

**REGIONAL NEWS UNIT  
ALL INDIA RADIO, AGARTALA  
Date: 13-08-2025  
Time: 07:55-08:05 PM Hrs  
BENGALI EVENING BULLETIN**

---

**Headlines :**

- (১) ৭৯তম স্বাধীনতা দিবস উদযাপনের জন্য গোটা দেশ প্রস্তুত। কেন্দ্রীয় স্বরাষ্ট্রমন্ত্রী অমিত শাহ আজ হর ঘর তিরঙ্গা অভিযানের অংশ হিসেবে তাঁর বাসভবনে জাতীয় পতাকা উত্তোলন করেছেন।
- (২) মুখ্যমন্ত্রী অধ্যাপক ডা: মানিক সাহা আজ আগরতলায় নিজ বাসভবনে জাতীয় পতাকা উত্তোলন করেন।
- (৩) বিদ্যুৎমন্ত্রী রতনলাল নাথ বলেছেন, রাজ্যের বিদ্যুৎ ব্যবস্থাকে আরও শক্তিশালী করতে সুর্যমণিনগরে ৪০০ কেভি ক্ষমতাসম্পন্ন একটি নতুন সাবস্টেশন স্থাপন করার পরিকল্পনা নিয়েছে বিদ্যুৎ দপ্তর।
- (৪) কাঞ্চনজঙ্ঘা এক্সপ্রেস আগামীকাল থেকে জোলাইবাড়ি ও বিলোনিয়া স্টেশনে ২ মিনিট করে থামবে।
- (৫) কাঞ্চনপুরে যুব বিষয়ক ক্রীড়া দপ্তরের উদ্যোগে আজ থেকে মহকুমা ভিত্তিক স্কুল স্পোর্টস প্রতিযোগিতা শুরু হয়েছে।

\*\*\*\*\*

**COUNTRY GEARING UP-INDEPENDENCE DAY :**

দেশাত্মবোধক উচ্ছাস ও উদ্দীপনায় আগামী ১৫ই আগস্ট ভারতের ৭৯তম স্বাধীনতা দিবস উদযাপনের জন্য গোটা দেশ প্রস্তুত। স্বাধীনতা দিবস উদযাপনের প্রাকপর্বে সারা দেশের মানুষ হর ঘর তিরঙ্গা অভিযানে সক্রিয়ভাবে অংশগ্রহণ করছেন। কেন্দ্রীয় স্বরাষ্ট্রমন্ত্রী অমিত শাহ আজ এই অভিযানের অংশ হিসেবে তার বাসভবনে জাতীয় পতাকা উত্তোলন করেছেন। স্বাধীনতা দিবসে নিশ্চিহ্ন নিরাপত্তা নিশ্চিত করার জন্য, দিল্লি পুলিশ ব্যাপক ব্যবস্থা গ্রহণ করেছে। মোতায়েন করা হয়েছে আধাসামরিক বাহিনী এবং কমান্ডো সহ কয়েক হাজার নিরাপত্তা কর্মী। স্বাধীনতা দিবসের অনুরূপে সাধারণ মানুষের যোগদানের কথা

ভেবে দিল্লি মেট্রোর সমস্ত লাইনে ভোর ৪টায় পরিষেবা শুরু হবে। ১৫ই আগস্ট প্রধানমন্ত্রী নরেন্দ্র মোদী দিল্লির ঐতিহাসিক লালকেল্লায় স্বাধীনতা দিবস উদযাপনে নেতৃত্ব দেবেন। তিনি জাতীয় পতাকা উত্তোলন করে লালকেল্লায় প্রাকার থেকে জাতির উদ্দেশ্যে ভাষণ দেবেন। নতুনদিল্লিতে স্বাধীনতা দিবস উদযাপনে ২৮টি রাজ্য এবং কেন্দ্রশাসিত অঞ্চলের ২১০ জন পঞ্চায়েত জনপ্রতিনিধি বিশেষ অতিথি হিসেবে যোগ দেবেন। আকাশবাণীর সংবাদদাতা জানিয়েছেন, এই বছরের বিশেষ অতিথিদের মধ্যে উল্লেখযোগ্য সংখ্যক মহিলা পঞ্চায়েত জনপ্রতিনিধি রয়েছেন যারা তাদের গ্রাম পঞ্চায়েতে উন্নত পরিকাঠামো, উন্নত জনসেবা এবং অন্তর্ভুক্তিমূলক সামাজিক উদ্যোগের মাধ্যমে উন্নতি নিশ্চিত করেছেন। অনেকে হর ঘর জল যোজনা, প্রধানমন্ত্রী আবাস যোজনা - গ্রামীণ এবং মিশন ইন্ড্রধনুষের মতো গুরুত্বপূর্ণ সরকারি প্রকল্পগুলিকে বাস্তবায়িত করতে উল্লেখযোগ্য সাফল্য অর্জন করেছেন। পঞ্চায়েতি রাজ মন্ত্রকের পক্ষ থেকে আগামীকাল নতুনদিল্লিতে এই বিশেষ অতিথিদের সংবর্ধনা প্রদান করা হবে। এই অনুষ্ঠানে কৃত্রিম বুদ্ধিমত্তা-চালিত 'সভাসর' অ্যাপ্লিকেশনেরও সূচনা হবে। এই বছরের কর্মসূচির মূল প্রতিপাদ্য হল "আত্মনির্ভর পঞ্চায়েত, উন্নত ভারতের পরিচয়" যা উন্নত ভারতের মূল স্তম্ভ হিসেবে স্বনির্ভর পঞ্চায়েতের দৃষ্টিভঙ্গিকে ধারণ করে।

\*\*\*\*\*

### **Har Ghar Tiranga-Flag Hosting :**

হর ঘর তিরঙ্গার অঙ্গ হিসেবে মুখ্যমন্ত্রী অধ্যাপক ডা: মানিক সাহা আজ আগরতলায় নিজ বাসভবনে জাতীয় পতাকা উত্তোলন করেন। মুখ্যমন্ত্রী সামাজিক মাধ্যমে জানান, প্রধানমন্ত্রী নরেন্দ্র মোদীর নেতৃত্বে, এই অভিযান দেশকে গর্ব এবং দেশপ্রেমে ঐক্যবদ্ধ করেছে। অসংখ্য স্বাধীনতা সংগ্রামীর স্বপ্নকে এগিয়ে নিয়ে গেছে।

কৃষিমন্ত্রী রতনলাল নাথ আজ আগরতলায় তাঁর বাসভবনে জাতীয় পতাকা উত্তোলন করেন।

\*\*\*\*\*

### **Power Minister :**

বিদ্যুৎমন্ত্রী রতনলাল নাথ বলেছেন, রাজ্যের বিদ্যুৎ ব্যবস্থাকে আরও শক্তিশালী করতে সূর্যমণিনগরে ৪০০ কেভি ক্ষমতাসম্পন্ন একটি নতুন সাবস্টেশন স্থাপন করার পরিকল্পনা নিয়েছে বিদ্যুৎ দপ্তর। একইসঙ্গে ধাপে ধাপে প্রতিটি কৃষি উপ-বিভাগে একটি করে কৃষক বন্ধু কেন্দ্র স্থাপন করারও সিদ্ধান্ত নেওয়া হয়েছে। তিনি আজ উনকোটি জেলার গৌরনগরে ধর্মনগর থেকে কৈলাশহরের গৌরনগর পর্যন্ত নতুন ১৩২ কেভি ডাবল সার্কিট ট্রান্সমিশন লাইনের উদ্বোধনী অনুষ্ঠানে একথা বলেন। তিনি বলেন, নতুন ডাবল সার্কিট লাইন চালুর ফলে বিদ্যুৎ সরবরাহে আর কোনো সমস্যার মুখোমুখি হতে হবে না স্থানীয় জনগণকে। এর ফলে মোট ৪৬,৩৫১ জন গ্রাহক উপকৃত হবেন। এই প্রকল্পে ৫৯ কোটি ৮২ লাখ টাকা ব্যয় হয়েছে।

বিদ্যুৎমন্ত্রী আরো বলেন, কৈলাশহরে মাত্র ৩৬ শতাংশ গ্রাহক বিদ্যুতের বিল পরিশোধ করেন। বিদ্যুৎ চুরি ও হকলাইনের কারণে সৎ গ্রাহকরাও সমস্যায় পড়েন। তাই এই প্রবণতার বিরুদ্ধে সবাইকে এগিয়ে আসতে হবে।

তিনি বলেন, চলতি অর্থবছরে আরও ১০টি কৃষক বন্ধু কেন্দ্র চালু করা হবে। এগুলি হবে বামুটিয়া, লেফুঙ্গা, পুরাতন আগরতলা, মোহনভোগ, তেপানিয়া, বি.সি.নগর, পোয়াংবড়ি, গঙ্গানগর, যুবরাজনগর ও লালজুড়িতে। বিদ্যুৎমন্ত্রী আজ গৌরনগর কৃষি উপ-বিভাগের অধীনে কৃষক বন্ধু কেন্দ্রের উদ্বোধন করেন।

অনুষ্ঠানে সমাজকল্যাণ ও সমাজশিক্ষা দপ্তরের মন্ত্রী টিঙ্কু রায়, উনকোটি জিলা পরিষদের সভাপতি অমলেন্দু দাস, চন্দীপুর পঞ্চায়েত সমিতির চেয়ারপার্সন শম্পা দাস পাল প্রমুখ উপস্থিত ছিলেন।

\*\*\*\*\*

### **Kanchanjungha New Stoppage :**

কাঞ্চনজঙ্ঘা এক্সপ্রেস আগামীকাল থেকে জোলাইবাড়ি ও বিলোনিয়া স্টেশনে ২ মিনিট করে থামবে। এ উপলক্ষ্যে আগামীকাল সকাল ৫টা ৪৫ মিনিটে জোলাইবাড়ি স্টেশনে আয়োজিত অনুষ্ঠানে উপস্থিত থাকবেন সাংসদ কৃতি

দেবী দেববর্মণ এবং সমবায় মন্ত্রী শুল্কাচরণ নোয়াতিয়া এবং সকাল ৬টায় বিলোনিয়া স্টেশনে আয়োজিত অনুষ্ঠানে উপস্থিত থাকবেন সাংসদ বিপ্লব কুমার দেব ও রাজীব ভট্টাচার্য, বিধায়ক অশোক কুমার মিত্র, দীপংকর সেন ও স্বপ্না মজুমদার। এন এফ রেলওয়ের লামডিং ডিভিশনের ডিভিশনাল কর্মশিয়াল ম্যানেজার এম রবি তেজা আজ এখবর জানিয়েছেন।

\*\*\*\*\*

### Package Story-Har Ghar Tiranga :

হর ঘর তিরঙ্গা কর্মসূচিতে দেশের মানুষ নিজেদের ঐক্য, গৌরব ও স্বাধীনতার ইতিহাসের সঙ্গে আত্মিকভাবে যুক্ত হচ্ছে। এটি এমন এক উৎসব, যা কেবল অতীতকে স্মরণ করে না, বরং ভবিষ্যতের জন্য দায়িত্ববোধ জাগায়।”একটি প্রতিবেদন।

#####VC#####

\*\*\*\*\*

### Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

\*\*\*\*\*

### **Amrit Udyan :**

রাষ্ট্রপতি দ্রৌপদী মুর্মু আগামীকাল রাষ্ট্রপতি ভবনে অমৃত উদ্যানের গ্রীষ্মকালীন প্রদর্শনীর উদ্বোধন করবেন। এটি আগামী শনিবার থেকে ১৪ সেপ্টেম্বর পর্যন্ত জনসাধারণের জন্য উন্মুক্ত থাকবে। সময় সকাল ১০টা থেকে সন্ধ্যা ৬টা পর্যন্ত। এই সময়ে অমৃত উদ্যানে বিনামূল্যে প্রবেশ করা যাবে। ২৯শে আগস্ট জাতীয় ক্রীড়া দিবসে খেলোয়াড়রা এবং ৫ই সেপ্টেম্বর শিক্ষক দিবসে শিক্ষকরা অমৃত উদ্যানে বিশেষ প্রবেশাধিকার পাবেন। দর্শনার্থীরা বাল বাটিকা, ভেষজ উদ্যান, বনসাই উদ্যান, সেন্ট্রাল লন, লং গার্ডেন এবং সার্কুলার গার্ডেন দেখতে পারবেন। রক্ষণাবেক্ষণের জন্য প্রতি সোমবার উদ্যান বন্ধ থাকবে।

\*\*\*\*\*

### **Maan-Ki-Baat :**

প্রধানমন্ত্রী নরেন্দ্র মোদী আগামী ৩১-শে আগস্ট, রবিবার সকাল ১১টায় আকাশবাণীর ‘মন-কি-বাত’ অনুষ্ঠানে দেশ-বিদেশের জনগনের সঙ্গে মতবিনিময় করবেন। এটি হবে ‘মন-কি-বাত’-এর ১২৫তম পর্ব। বেলা ১১-টা থেকে আকাশবাণী এবং দূরদর্শনের সবকটি চ্যানেল এবং আকাশবাণীর নিউজ অন এ.আই.আর. ওয়েবসাইট, মোবাইল অ্যাপ, প্রধানমন্ত্রীর দফতর, তথ্য ও সম্প্রচারমন্ত্রকের ওয়েবসাইট ও ইউটিউব চ্যানেলেও “মন-কি-বাত” সম্প্রচারিত হবে। হিন্দিতে এই অনুষ্ঠান সম্প্রচারিত হবার পরেই আঞ্চলিক ভাষায় এর তর্জমা শোনা যাবে। নিঃশুল্ক নম্বর ১৮০০-১১-৭৮০০ নম্বরে ম্যাসেজ করে কিংবা মাই গভ বা নমো অ্যাপে মতামত জানানো যাবে।

\*\*\*\*\*

### **New Court-Mohanpur :**

আগামী ২৩শে আগস্ট থেকে মোহনপুর মহকুমা আদালতের কাজকর্ম শুরু হবে। গতকাল ত্রিপুরা হাইকোর্টের রেজিস্ট্রার জেনারেল বিশ্বজিৎ পান্ডে এ

খবর জানান। মোহনপুরে এস.ডি.জে.এম'র দায়িত্ব নেবেন বিচারপতি  
বিকাশ দেববর্মা।

\*\*\*\*\*

### **Har Ghar Tiranga-Lalit Kala Academy :**

দেশের ৭৯তম স্বাধীনতা দিবস উপলক্ষে কেন্দ্রীয় সরকারের সংস্কৃতি মন্ত্রকের  
অধীন নর্থইস্ট রিজিওনাল সেন্টার ললিতকলা একাডেমির উদ্যোগে আজ  
আগরতলায় একটি র্যালি অনুষ্ঠিত হয়। র্যালিটির মূল আকর্ষণ ছিল ত্রিপুরা  
তথা উত্তর পূর্বাঞ্চলের ৪৫ জন অর্চিত স্বাধীনতা সংগ্রামীদের আবক্ষ মর্মর  
মূর্তি সহকারে শোভাযাত্রার মাধ্যমে তাঁদের প্রতি শ্রদ্ধা জানানো হয়। এই  
৪৫ জনের মধ্যে ত্রিপুরার ৩৭ জন ও উত্তর-পূর্বের বাকি রাজ্যগুলি থেকে  
৮ জন অর্চিত সংগ্রামী।

\*\*\*\*\*

### **Har Ghar Tiranga-Drop Gate :**

হর ঘর তিরঙ্গা কর্মসূচির অঙ্গ হিসেবে আজ আগরতলা পুর নিগমের ৪০নং  
ওয়ার্ডের জনগণ আগরতলার ড্রপগেইটস্থিত পন্ডিত ঈশ্বরচন্দ্র বিদ্যাসাগরের  
প্রতিকৃতিতে ফুলমালা দিয়ে শ্রদ্ধা জানান। উপস্থিত ছিলেন কর্পোরেটর শম্পা  
সরকার চৌধুরী।

\*\*\*\*\*

### **Tiranga Mela-Sepahijala :**

সিপাহীজলা জেলাশাসক কার্যালয় প্রাঙ্গণে আজ তিরঙ্গা মেলা অনুষ্ঠিত হয়।  
উদ্বোধন করেন সিপাহীজলা জিলা পরিষদের সভাপতি সুপ্রিয়া দাস দত্ত।  
দেশাত্মবোধের আবহে অনুষ্ঠিত এই মেলায় বিভিন্ন ব্লকের স্ব-সহায়ক দলের  
মহিলারা তাদের উৎপাদিত সামগ্রী নিয়ে পসরা সাজিয়ে বসেছে। কম মূল্যে  
মানুষের হাতে তুলে দেওয়া হয়েছে স্ব-সহায়ক দলের মহিলাদের হাতে তৈরি  
জাতীয় পতাকা, তিরঙ্গা রাথী, সহ নানা সামগ্রী। উপস্থিত ছিলেন

সিপাহীজলা জেলার জেলাশাসক ডক্টর সিদ্ধার্থ শিব জসওয়াল, অতিরিক্ত পুলিশ সুপার রাজীব সূত্রধর প্রমুখ।

\*\*\*\*\*

### **Har Ghar Tiranga-Dhalai :**

হর ঘর তিরঙ্গা কর্মসূচীর অঙ্গ হিসাবে কমলপুর নগর পঞ্চায়েতের উদ্যোগে আজ টাউন হলে দেশাত্মবোধ সাংস্কৃতিক অনুষ্ঠানের আয়োজন করা হয়। উদ্বোধন করেন বিধায়ক মনোজ কান্তি দেব। এর আগে একটি তিরঙ্গা শোভাযাত্রা কমলপুর শহরের বিভিন্ন পথ পরিক্রমা করে। উপস্থিত ছিলেন, কমলপুর নগর পঞ্চায়েতের চেয়ারম্যান প্রশান্ত সিনহা, ভাইস চেয়ারম্যান সুরত মজুমদার প্রমুখ।

\*\*\*\*\*

### **Tiranga Rally-Bishalgarh :**

হর ঘর তিরঙ্গা কর্মসূচির অঙ্গ হিসেবে আজ বিশালগড়ে এক বর্ণাঢ্য তিরঙ্গা রেলি অনুষ্ঠিত হয়। বিশালগড় মহকুমা প্রশাসনের আয়োজিত এই রেলি অফিসটিলা কালীবাড়ি মাঠ থেকে শুরু হয়ে শেষ হয় লালসিংমুড়া মোটরস্ট্যান্ডে। বিধায়ক সুশান্ত দেব, পুর পরিষদের চেয়ারপার্সন অঞ্জন পুরকায়স্থ, স্থানীয় বিভিন্ন স্কুলের ছাত্রছাত্রী, শিল্পী, সাংস্কৃতিক ব্যক্তিত্ব এই রেলিতে অংশ নেন।

\*\*\*\*\*

### **Kanchanpur Sports :**

কাঞ্চনপুর যুব বিষয়ক ক্রীড়া দপ্তরের উদ্যোগে আজ থেকে মহকুমা ভিত্তিক স্কুল স্পোর্টস প্রতিযোগিতা শুরু হয়েছে। কাঞ্চনপুর সরকারি মহাবিদ্যালয়ের খেলার মাঠে আয়োজিত অনুষ্ঠানে উপস্থিত ছিলেন কাঞ্চনপুর ডিগ্রি কলেজের প্রিন্সিপাল লালখানগুরি সাইলো মোট ৯টি ইভেন্টে প্রতিযোগিতা অনুষ্ঠিত হচ্ছে। মহকুমা ভিত্তিক এই আসর থেকে নির্বাচিত খেলোয়াড়রা জেলা ও রাজ্যস্তরের প্রতিযোগিতায় অংশ নেবে।

\*\*\*\*\*

**First Division :**

ত্রিপুরা ফুটবল এসোসিয়েশন পরিচালিত চন্দ্র স্মৃতি ঘরোয়া প্রথম ডিভিশন লিগ ফুটবল প্রতিযোগিতার আজকের খেলায় ব্লাডমাউথ ক্লাব জয়লাভ করেছে। উমাকান্ত মিনি স্টেডিয়ামে বিকালে অনুষ্ঠিত খেলায় ব্লাডমাউথ ক্লাব ৪-১ গোলে টাউন ক্লাবকে হারিয়ে দেয়।

\*\*\*\*\*

**Weather :**

আগামী ২৪ ঘন্টায় রাজ্যের সবকটি জেলাতে বজ্রবিদ্যুৎ সহ ভারী বৃষ্টিপাতের সতর্কতা জারি করেছে আবহাওয়া দপ্তর। আগামীকাল দিনের সর্বোচ্চ তাপমাত্রা ৩২ ডিগ্রি সেলসিয়াস এবং সর্বনিম্ন ২৬ ডিগ্রি সেলসিয়াস এর কাছাকাছি থাকতে পারে। আজ দিনের সর্বোচ্চ তাপমাত্রা ছিল ২৯.২ ডিগ্রি সেলসিয়াস এবং সর্বনিম্ন ২৭ ডিগ্রি সেলসিয়াস। আজ বিকেল সাড়ে পাঁচটা পর্যন্ত বৃষ্টি হয়েছে ৩.২ মিলিমিটার।

\*\*\*\*\*